

与绥绥犯匪  
的国的帝元  
密謀

—— 子册小聞新事時 ——

與綏犯匪偽  
謀密的『國帝元大』

著 麟 毓 江

· 社行刊聞新事時 ·

1937

## 我們的工作

- 一、本社工作共分三部：(一) 刊行部；(二) 資料部；(三) 通訊部。
- 二、刊行部編印各種時事新聞小冊子，依時事問題之變化，用通俗簡明的報告文學體裁，報導及解剖時事問題，預定每月至少出版五冊，每年至少出版六十冊，必要時，編印特大本，此外隨時出版各種時事叢書。
- 三、資料部蒐集一切新聞時事之動態的資料，並集存有有關新聞時事之寫真、圖片、統計表冊等，供應文化機關、專門家、學者之特別訂閱，其費視資料之性質與多寡而定。
- 四、凡欲按日發行時事新聞通訊稿，特別注重國際時事之報，以備各雜誌、報館之訂購轉載，其費另定。但個人讀者如欲以此項通訊稿，取費特廉。
- 五、本社普通每冊一律實價國幣五分，特大本一角。茲徵求基本讀者五萬戶，凡預訂半年一次直接繳付一元三角（三十冊），全年一次直接繳付二元五角（六十冊）者（郵費在內），刊超過預定冊數時，不另取費。不足時則繼續至足冊時止，叢書價目另定。
- 六、本社工作，完全為讀者利益而設計，尚祈讀者本愛護之忱，特此指示。

時事新聞刊行社

## 時事新聞刊行社時事小冊子第四冊

中華民國廿六年六月廿五日出版

僞匪犯緩與

『大元帝國』的密謀

實價國幣五分

編者：江 毓 麟  
主編者：張 師 石  
發行所：上海愛多亞路中匯大樓三三八號

出版者：時事新聞刊行社  
（電話：八四四三、四）  
總經售：五洲書報社  
（上海山東路望平街二二一號）

特約代售：上海雜誌公司  
北新書局  
羣衆雜誌公司  
南京北平天津廣州  
漢口重慶成都廈門  
香港安慶寧波桂林

外埠代售：

太原及各地大公報分館

◎ 印 翻 准 不 有 所 權 版 ◎

# 偽匪犯綏與『大元帝國』的密謀 目錄

- 一 現階段之大陸政策與內蒙……………一  
大陸政策之回顧——現階段中之大陸政策——綏遠問題之嚴重性
- 二 高速度導演中之『大元帝國』……………一一  
蒙古『建國運動』之序幕——『建國運動』的開始——犯綏的偽匪實力——雙重導演下的綏遠大戰
- 三 從軍事上檢討『大元帝國』之陰謀……………一九  
威脅我西北最後國防——封鎖我國對外交通——蒙蘇大包圍計劃

四 從經濟上檢討「大元帝國」之野心……………二八

維護日帝國之纖維國策——覬覦蒙古羊毛寶庫

## 一 現階段之大陸政策與內蒙

### 大陸政策之回顧

日本之欲吞食中國，是數十年來預定之計劃，此計劃即舉世聞名之大陸政策；其詳細內容，雖非吾人所盡悉，然於一九二七年田中奏摺中，可以窺見其一二；其言曰：

「按明治大帝之遺策，第一期征服台灣，第二期征服朝鮮等，皆已實現；惟第三期滅亡滿蒙，以便征服支那全土……尙未能實現。」

又曰：

「欲征服支那，必先征服滿蒙；如欲征服世界，必先征服支那。倘支那完

全被我征服，其他如中小亞細亞及印度南洋等異服之民族，必畏我敬我，而降於我。使世界知東亞爲我國之東亞，永不敢向我侵犯。」

又曰：

「我對滿蒙之權利，如可真實到手，即以滿蒙爲根據，以貿易之假面具，風靡支那四百餘州。再以滿蒙之權利爲司令塔，而擷取全支那之利源；以支那之富源，而作征服印度及南洋各島，以及中小亞細亞及歐羅巴之用。我大和民族之欲步武於亞細亞大陸者，握執滿蒙利權，乃其第一關鍵。」

吾人於此，可知日本對華政策，在步驟上雖有四期之分，而方針則始終一貫而不變。日本自明治維新以來，對外侵略着着勝利，實以一八九四年中日甲午之役啓其端。中國既敗，台灣及澎湖羣島割歸日本，朝鮮至是亦離中國而獨立。日本取得台灣，遂樹立南進政策之根據地，此後南瞻北顧，左右逢源。但就田中奏摺而觀，南進政策仍不過爲大陸政策之一面，故今日日本海軍雖雄霸東亞，躋於

世界三大海軍國之林；至論其主要任務，仍爲翼衛大陸政策之推進，故田中以併吞台灣，爲實行大陸政策之第一期。

中日戰後之十年，日本復與帝俄構釁，結果俄軍慘敗。由是日帝國主義之勢力漸及於南滿，此後即以南滿鐵路爲基礎，施展其大陸政策；而朝鮮亦於此時併入其版圖，從此窺伺滿蒙，形勢上益形便利，故田中以併吞朝鮮，爲大陸政策之第二期。

日俄戰後又十年，歐洲大戰發生，英美無暇東顧，日本乃假對德宣戰爲由，襲取青島及膠濟路，企圖佔領山東，復向我提出二十一條，以圖擴張滿蒙勢力，支配中國運命。不意歐戰告終，華府會議繼歐洲和會而召集，日本乃俯首帖耳，共同簽字於九國公約，保證中國主權之獨立及領土與行政之完整。至一九二九年，經濟恐慌之怒潮，奔騰澎湃於世界，而素以工省價廉著稱之三島，亦險象環生，陷於不可收拾之境地。欲解除財政經濟之苦悶。不能不侵略中國以取償，日



軍部由是假手關東軍發動九一八事變，佔領東北四省，以推進其大陸政策第三期之程序。

惟自長城戰役而後，冀東既劃爲非武裝地帶，樹立其所謂「防共自治」之偽組織；而察綏各盟旗，亦在其規持之下，高唱自治。整個滿蒙政策，事實上已大部完成，且已進入大陸政策第四期之嚴重階段矣。

### 現階段中之大陸政策

年來大陸政策強化之聲浪，又復囂然塵上，而日軍部之對華侵略，至是益更趨積極；如華北增兵，如關稅走私，如經濟開發，如自由飛航，如華北特殊化，如導演蒙古獨立，無不劍及履及，曲盡威脅之能事。揆厥原因，或謂軍人領土慾大盛，欲黷武以圖功；或謂日蘇風雲險惡，欲驅華以防俄；或謂英美注意遠東，故先發以制人；此種推究，皆各有其一面之理由。然僅從政治與軍事之偶然現象，以揣測現階段中大陸政策之動態，尙不能盡悉其底蘊。欲探索大陸政策現

階段之必然性，則目前日本之經濟基礎，實有密切考察之必要。蓋政治軍事之偶然現象，變遷性較大，而少數個人（軍部）之意見。融通性亦頗多；至於經濟因素，其本身深具有支配政治社會之大力量，且為多數人利害所關，往往帶有必然性，故吾人欲了解日本近年積極侵華之由來，不能不留意於其經濟背景也。

日本資本主義自明治初年以來，各種產業經營，概以纖維工業為樞軸，軍需工業為指標，直向帝國主義之途邁進，經中日、日俄兩役而益著。大規模之工業亦經樹立基礎，且因關稅自主權之恢復，與保護關稅政策之實施，更促進機械工業與化學工業之高度化；而製鐵業及其他重工業，亦漸臻繁榮。至歐戰後，日本資本主義益繼長增高，遂入獨占階段。而纖維工業亦早已由粗工製品發展至精工製品，其他一切輕工業，無論在技術上，及經濟上，均有長足之進步，超越其粗工階段，且因電氣工業之發達，各種工業原動機之電力化，亦普及於日本各地。由是生產之積蓄，與資本之集中，俱達於最高峰。無如日帝國主義先天貧弱，缺

乏資本主義最低限度之物質基礎。工業原料與國防資源，均須仰給於國外，如輕工業方面之棉花，即其一例。日本爲纖維工業最發達之國，每年所需棉花原料，爲數達一二、二六〇、〇〇〇擔；國內產額，僅有五九〇、〇〇〇擔，供求相較，僅及需要額百分之五；不敷之量，以美棉購入爲最多，約占百分之六十；印度次之，約占百分之三十；近年美棉產量日減，價格日高，此後日本之棉花供給，成爲紡織業界目前最嚴重之問題。其次則爲毛織業，日本毛織工業，近亦有急激之進展，一九三一年生產總額爲日金一五三、八二四千圓，一九三二年增爲一六七、〇一〇千圓，一九三三年則突破三億圓，由是羊毛輸入與日俱增。但日本地狹民稠，不宜畜牧，每年羊毛產量僅有一、五三八擔，不及需要額百分之一。進口羊毛大都來自澳洲，現在世界羊毛價格日漲，日本羊毛供給問題，將亦難樂觀。至於重工業方面之煤、鐵、石油等，又皆爲國防工業所必需，日本現時年需鋼鐵約二百五十萬噸，而本國及朝鮮產量僅六十萬噸，不及需要額四分之

一；且近年日本鋼鐵消耗，又隨軍需景氣而俱增。其次爲煤，年需約二百五十七萬噸，而本國產量難達二百四十萬噸，且品質惡劣，不能供鍊鋼之用。再次爲石油，年需約二千萬桶，而本國及東三省產量僅有二百三十萬桶，不及需要額八分之一。其他如鉛、錫、鋅、鎳等，俱非常不足；而鎊、鎳、橡皮，則絕無所有。即國民生活上所必需之食糧，亦感不敷，平時仰給他國，已覺困難，一旦戰爭發生，來源斷絕，危機立現。且日本資本主義，不惟先天貧弱，後天發育，亦不健全；封建關係依然濃厚，小型作坊最佔優勢。其輸出口工業之繁榮，係建築於工資低廉，及勞動強化之基礎上。實言之，即犧牲農村，以造成今日之工業膨脹；以致農民貧困，購買力薄弱。日本近年生產總額約一百三十億萬圓，輸出額達二十億萬圓，占百分之一十五；較之美國生產總額九百億萬圓，輸出額爲五十億萬元，僅占百分之五有零，相去奚啻霄壤。因此剩餘商品，不能不以國外市場爲尾閥而謀宣洩。由此以觀，日本爲應付未來戰爭，不得不奪取戰時資源；即

爲維持經濟繁榮，亦不得不掠奪原料地及廣大消費市場。

中國地大物博，滿蒙華北之鐵、煤、石油，蘊藏既富，棉花、小麥產量亦豐；而蒙古牧場，尤有名於世，早已成爲日資本主義之續命湯。故佔我東北四省之後，仍不斷侵略內蒙，策動華北『自治』，以期攫取華北內蒙之支配權，而獨佔中國之豐富資源。惟自九一八以還，因軍費之擴大，及公債之激增，日資本主義又轉入軍需工業與輸出膨脹時代，各種產業，俱在軍需工業刺激之下而恢復繁榮，造成世界恐慌中之『孤島好況』。當時生產指數確已增加，對外貿易亦形活躍，失業人數較前大減。然因工業各部門發展不均，逐漸加深景氣之跛行性；日資本主義前途，遂潛伏一最大危機：第一、生產總額雖增，而大部份屬於軍需工業，在對外戰爭未發動以前，不能實現其生產價值。第二、一部份輸出工業之價值，雖能實現，然因國際商業競爭劇烈之故，實行廉價傾銷，至未能收回其成本。第三、國內資本之利潤，雖有增加，然大抵出自農村經濟與一般消費者之犧

性。此種虛幻景氣之中，早含有大多數之社會矛盾，至今已無法維持。日軍部知其如此，乃不斷擴張軍備，增發公債，以便繼續膨脹軍需工業，而予各產業部門，以再刺激，俾挽救其虛幻之景氣。一面對華北內蒙，採取積極行動，以期實現其新生產之軍需品價值。故現階段大陸政策之急進，與其謂為法西斯軍人之野心，毋寧認為日資本主義危機下所構成之結果。

#### 綏遠問題之嚴重性

在大陸政策之現階段中，日關東軍之急切圖綏，從策略上而言，固為貫徹其滿蒙政策進一步之表示，然其直接目的有二：一為略取綏遠，開闢西侵路線；二為威脅我方簽訂『防共協定』，使華北內蒙皆脫離中國而獨立。蓋大陸政策中所指滿蒙，無論從地理上，或民族上而言，其範圍原不以東北四省為限；自察綏經寧夏以至甘肅、青海之北境，皆認為屬於舊蒙古區域。故日軍佔領熱河而後，即移兵察哈爾，佔有多倫、沽源，以為進窺西蒙之根據地。前年春，關東軍復藉

口宋部侵入熱境，大舉轟炸獨石口，成立大灘口約，於是察東又繼戰區之後，淪爲非武裝地帶。迨所謂『自治運動』發生，冀東傀儡袍笏登場；而偽軍李守信部，復由察東侵入察北，當時國人密切注意於華北分離運動，及殷汝耕賣國求榮；非惟綏東問題無暇過問，即察北事件亦鮮有人顧及。然關東軍是時所以未即發動綏遠戰爭者，一因日軍部方集中全力於華北五省之『獨立運動』，如華北五省『獨立』成功，綏遠爲五省之一部份，當無另行採取武力行動之必要；二因日本正策動華北『獨立』之時，不願更在蒙境有何軍事行動，以激起蘇聯之反響。嗣因策動結果，未獲奏效，乃一面決定增兵華北，以加強其統制冀察之力量；一面施其挑撥手段於內蒙王公，使脫離中央，宣布『自治』。並挾德王爲溥儀第二，聯合偽滿，合力內犯，企圖建立其所謂『大元帝國』。日人由此可不煩一兵，不費一彈，而收內蒙於太陽旗之下，大唱其『不戰而勝』之凱歌矣。

吾人須知現階段之大陸政策，不惟對內蒙吞併之心，以完成其一篲之功；即

整個中華全土，亦在其『明治大帝遺策』之下，徐圖征服。故年來分化工作層出不窮；不惟川越外交要求華北特殊化，即關東軍部亦導演蒙古獨立，察其用心，要不外先使中央在華北之政治勢力，退至黃河以南；再使中央在西北之政治勢力，退至隴海綫以東，使整個華北及西北，淪爲日帝國之殖民地，以供給日資本主義之原料，與售銷過剩之商品而已。現關東軍對於綏遠，既志在必得，幕後導演，蒙僞匪軍，再圖反攻。遇必要時，或露其獍獍面目，以與我正式作戰，亦自在意中。邇來日駐屯軍部各處收買漢奸流氓，刺探軍情，從事暴動，又可知日軍侵綏目的，不在綏遠一隅，與九一八之役，佔領瀋陽目的，不在遼寧一省，前後如出一轍。望國人勿以綏遠抗敵，爲一隅之事，而忽視之也。

## 二 高速度導演中之『大元帝國』

### 蒙古『建國運動』之序幕



內蒙形勢自九一八以來，即日瀕危境，蓋東北失陷之後，內蒙哲里木盟並隨遼吉黑三省以俱亡，迨熱河再陷，昭烏達盟與卓索圖盟，又相繼入於日人之手！嗣以察北不保，而錫林果勒盟復成爲敵騎出入之場，東蒙四盟喪失略盡，全部內蒙所存者，僅餘察哈爾部與歸化土默特而已。去歲蒙僞內犯，而碩果僅存之西蒙二盟，頓告緊張，形勢亦岌岌矣。日本之窺伺內蒙爲其一貫之政策，熱河既得之後，西侵之心益亟，乃將哲里木、卓索圖、昭烏達三盟紛紛改制，析爲興安四省，設興安總署專司其事。而以哲理木盟盟長齊王爲總長，使在滿洲僞國體系之下，另成一組織，以管理東蒙，可知其用意之深。一九三四年冬復變更制度，改設僞蒙政部，直轄興安四省，仍以齊王爲總長，而以日人依田次郎爲次長，關口保任總務司長，爲之主持『蒙古建國計劃』。此爲導演『蒙古國』最初之序幕也。

日軍部爲貫徹其現階段之大陸政策，不得不高速度導演其所謂『大元帝國』，而察綏兩省首當其衝。一九三五年冬，蒙僞軍竟爲虎作倂南犯張垣，將長城以北

之重鎮，商都、沽源、寶昌、康保、德化、張北六縣，據而有之。當時中外傳聞，有謂將在滿洲偽國與安省附近，另建『蒙古獨立國』者，雖經土肥原一度否認，然司馬昭之心，已路人皆見，察北六縣，現雖由蒙偽軍駐防，而居中指揮者，則爲負有關東軍密命之德化（嘉卜寺）特務機關長田中久。並於張北口外設飛機場，由關東軍將特務二隊負責防守之責，六縣政治，除縣長由漢奸中遴選外，並各設一日籍顧問，統制一切，如沽源縣之顧問官生島，商都縣之顧問官得杉，寶昌縣之顧問官力本，康保縣之顧問官九尾，德化縣之顧問官筍朗，張北縣之顧問官鄭州，俱握一縣之政權，情形與偽滿並無二致，六縣素爲察省富裕之區，其中尤以張北爲最衝要，蓋張北握張庫大道之樞紐，爲中外通商之咽喉，日軍據此，北足以扼張庫之交通，而西亦得伸其勢力於綏東。故察北失陷之後，而綏東益唇亡齒寒，未可以終日矣。

### 『建國運動』的開始

日軍部既積極圖綏，製造其第三號傀儡「蒙古國」，手段雖與前稍異，論其方式，要不外威迫利誘而已。故於策動蒙偽軍之前，先佈置其侵略網——特務機關於察綏二省，如林西（特務長未詳），如西烏琳、沁旗（特務長未詳），如蘇尼特王府（特務長松井），如多倫（特務長植山），如張垣（特務長大本），如張北（特務長桑原），如德化（特務長田中久），如百靈廟（特務長盛島），如歸綏（特務長羽山），如包頭（特務長樾川），比比皆是。即青海境內之綏寧，甘肅境內之平涼、以及寧夏境內之阿拉善額魯特旗等地，亦處處滿佈其所謂特務機關，以為侵略蒙綏之先遣隊，平日工作不僅刺探各地軍情為駐屯軍之耳目，並往來於各旗盟間，施其誘惑與恫懾之伎倆。

去春綏境各旗慘遭雪災，其中尤以烏蘭察布盟之茂明安、烏拉特各旗及伊克昭盟之達拉特等旗甚為嚴重，政府以財力支絀，對此空前浩劫，未能廣為拯救，而日方乃以此為示惠蒙人之唯一良機，立撥十萬元賑濟，陰懷欲與姑取之禍心。

及物色德王爲其導演中之傀儡後，即挾往長春，召集其所謂滿蒙王公會議，款待迎迓，奉爲國賓，挑撥離間，無所不用其極，德王乃於此環境之下，遂迷途不返，日做其『大元帝國』之幻夢。

迨綏境蒙政會成立，而德王與綏省地方當局，感情益惡。日人復從而包圍煽惑，由是『大元帝國』之出現，喧傳於日本各報，遂成欲罷不能之勢矣。一年來日方在綏蒙各旗挾持王公，訓練蒙軍，其密謀組織『大元帝國』醞釀已久。

至『蒙古大元帝國』之疆域，亦經預定由熱河沿長城以達新疆，包有內蒙古全部，所需經費，並經日軍部籌定四萬萬元。以爲製造第三傀儡之用。聞厲兵秣馬，聚糧購械之所費，已不下六千萬元，一切佈置，咸以百靈廟爲中心。

### 犯綏的僞匪實力

當綏東試探戰開始之前，日方爲蒙僞匪軍規劃配置，頗費苦心。是時敵方實力，據調查所得，計：

在蘇特尼王府者，有八百人，（屬偽西北內蒙防共自治第二軍偽軍長德王。）  
在寶昌縣者有七百人，（屬偽西北內蒙防共自治第一軍第三師，偽師長王振華。）

其在張北者計有五起：

（一）屬於偽西北內蒙防共自治第一軍者，有六百人，偽軍長李守信。

（二）屬於偽西北內蒙防共自治第一軍第一師者，有千人，偽師長劉繼

廣。

（三）屬於偽西北內蒙防共自治第一軍砲兵團者，有六百人，偽團長丁其

昌。

（四）屬於偽西北內蒙防共自治第三軍者有一千四百人，偽軍長卓世海。

（五）屬於偽邊防自治軍者有五百人，偽軍長于志謙。

其他，在公會鎮者約二千人；在滂江者，約八百人；又偽滿熱河第五軍區五

千人，此外尚有偽西北蒙漢防共自治軍三千人，偽軍長王英；偽西北邊防自治軍千五百人，偽軍長王道一；（王道一槍決後，歸王英指揮。）及包悅卿新編之偽軍約二千人，分駐德化、商都、省義等處。

總計偽匪聲勢赫然，號稱十萬。上例各偽軍所有槍械，由關東軍供給補充，除大砲機關槍外，並有裝甲汽車坦克車及飛機等，近代新式武器，幾無不應有盡有，由是狡馬思逞，待時而動，至去秋七八月間，察北一舉，蒙偽調動頻繁，陰霾四佈，綏東五縣，遂爲其侵擾之目標，而開始其犯綏之前哨戰矣。

幸賴守土將士，奮勇抗敵，偽匪雖數度進襲，均未得逞。某方譏爲此次侵綏無功，其主因或爲實力未充，或因編制未善，於是復將蒙偽各軍，重新整理，大事擴編，加緊訓練，再圖大舉。去秋以來，蒙偽所需之糧秣槍彈，不僅由關東軍源源供給，而日人在北平組織之國際轉運公司，亦負有運輸軍火之祕密使命，並利用平綏鐵道，由冀東平津公開接濟，經數月之補充與準備，德王於是通電就任

所謂偽『蒙古軍總司令』之職。

### 雙重導演下的綏遠大戰

當綏遠戰事重開之先，關東軍與華北駐屯軍，數度召集會議，共同檢討其幕後導演之策略。惟權限上兩駐屯軍部，各有分責，張北以南，長城以內，一切策動導演事宜，由華北駐屯軍主持；而關東軍居協助地位。反之，張北以北，長城以外，一切策動導演事宜，由關東軍主持，而華北軍居中協助。職責既明，兩駐屯軍部遂分道揚鑣，各盡所能。故綏遠戰事，當未發動之時，關東軍即為蒙偽匪軍製定戰略，劃分陣地，自居導演地位；而華北駐屯軍，由是亦步亦趨，盡協助之能事。除監視冀察政權嚴守中立外，並派要員分赴晉魯，企圖破壞援綏運動。各方佈置妥當之後，關東軍乃驅使蒙偽雜軍，三路進犯。東路攻綏東，中路窺歸綏，西路趨包頭，每路均有某國飛機投彈掩護，在大舉包圍之下，以為晉綏已入掌握之中，勝利可操諸左券。當我軍克復百靈廟之前一日，喜多誠一少將，曾在

滬上對美國紐約時報記者談話，作自負之豪語，謂「此一戰即可將中國十一萬方哩之綏遠，置諸日本管理之下。」不料激戰之後，我軍節節勝利，一破之於紅格爾圖，再破之於武川、固陽，終將其軍事根據地之百靈廟收復。日軍部乃知此估量之錯誤，雖老羞成怒，然野心未戢，一面由關東軍與偽滿發表共同聲明：據稱「如綏遠局勢危及滿洲國安寧秩序，則日本與偽滿不得不取適當辦法」，以為恫嚇。一面於嘉卜寺召集緊急會議，抽調偽滿軍增援，更派飛機三十架、坦克車數十輛，上下掩護，向百靈廟反攻，卒因人心思漢，匪無鬥志，我軍復於去臘進佔大廟，而綏北戰事遂暫告一段落。惟未來綏察局面，仍未可遽抱樂觀，蓋日軍部之大陸政策，一日未放棄，即綏蒙一日未能安枕。關東軍遲早當揭發帳幕，以發動中日間大戰，綏遠之戰或竟將為其開始，亦未可知也。

### 三 從軍事上檢討『大元帝國』之陰謀



### 威脅我西北最後國防

日本之蓄謀製造第三傀儡『蒙古國』，遠在五年以前，隨滿洲偽國以俱來。

然兩年來，某駐屯軍侵擾察綏，策動蒙古『建國運動』，再接再厲者，其近因有二端：一以吾國比年政治統一，漸告完成，中樞權力，愈臻鞏固，而開發西北，亦着着進行，著有成效。一旦中央軍剿匪功成，移入察綏，佈置西北邊防，不惟西略之謀，將無所施，而冀東偽組織及偽滿洲國，亦將有後顧之慮。二以日德同盟，業經締結，東西兩大侵略國家遙相呼應，彼唱此和，互為聲援，若不趁此時機，利用防共煙幕，加緊略取中國之西北部，以完其成蒙蘇之大包圍計劃，後將有噬臍無及之感。有此二因，遂不能不先發制人。然而某軍部為避免非必要之犧牲，己身不願居於主演地位。乃復襲過去以華制華之故智，而以東蒙攻西蒙，以收『不戰而克』之奇功。故日本之企圖佔有綏蒙，以樹立偽滿之外圍，固為整個大陸政策之推進，而在軍事上、經濟上，尤具有特殊重大之意義。

我國西北國防，位置於蒙古高原之上，東起興安嶺，西達葱嶺，北至阿爾泰山及薩彥山脈，南達至崑崙、祁連與陰山山脈，東西綿亘，約萬餘里，包有外蒙古之唐努烏梁海、科布多及新疆、甘肅、寧夏、綏遠、察哈爾各省。在此高原區內，爲吾國之自然屏障者有三：卽阿爾泰山、戈壁沙漠及陰山山脈是也。至民國十三年外蒙古宣佈自主，吾國政治勢力之及邊防，遂退至戈壁沙漠以南。及九一八事變發生，東北四省相繼淪亡，冀東察北，亦變爲化外，國防前線，又移入長城以內；至是西北之自然屏障，已失其二。去歲綏戰重開，綏北復爲敵騎出沒之所，最後防線之陰山山脈亦不能保。綏遠今日，事實上已成爲國防之第一線。

綏遠位於熱察之西部，北毗外蒙，東鄰察省，西據寧夏，南臨晉陝，唇齒相依，呼應相助，不特爲華北各省通西北之門戶，且爲西北與華北聯絡之要衝。蓋地居內蒙之中心，北經庫倫，可通西伯利亞；東經察北，可達熱河、遼寧；西經寧夏，可通新疆；西南溯黃河，可達寧夏、甘肅、青海；東南沿平綏路，可通山

西、河北；交通四達，形勢險要，故綏遠再有疏虞，吾國西北最後國防，卽生動搖。因綏遠爲華北之屏蔽，綏遠若入於敵人之手，彼則可以南窺晉陝，東略冀察，爲所欲爲，無後顧之憂。且綏遠又爲華北與西北間往來之孔道，綏遠不守，則華北與西北將截斷爲二，首尾不能相應，非惟北華北大勢將隨之以去，且寧夏、甘肅門戶洞開，亦必不能久保。蓋祁連山以東，賀蘭山以北之地，爲一平沙無垠之蒙古瀚海。在軍事上無險可守，長驅直入，勢成破竹。日人由是統制華北以控馭西北，中國全土，立見瓦解。故日人嗾使蒙僞犯綏，表面上似爲恫嚇華北當局，威脅南京外交，而實際目的卻爲企圖佔領綏遠，向中國西北開闢一新侵略路線，以備將來規取甘寧，進攻新疆之張本。據某軍事家估量：『設敵人佔領綏遠，則沿平綏、同蒲綫，以取太原，易如反掌；太原既得，敵人以四五師團兵力，卽可征服中國全土。蓋以一師團渡黃河，擾陝西，則西北各省橫被截斷；再以一師團取鄭州，窺荆湘；一師團出隴海，攻皖蘇，則長江流域全受牽制，另以

一師團下四川，入雲貴，而西南各省亦必動搖。此種估量，確有其戰略上之見地，非故爲危言聳人聽聞也。故今日綏遠抗戰，不惟在西北國防上，爲不可再退却之壁壘，即在國家生命上，亦已達最後之關頭。

### 封鎖我國對外交通

中國對外交通，水路由東南沿海口岸以通東西各國，陸路則經蒙蘇，以達歐洲。若未來中日戰爭發生時，日本封鎖中國對外交通，除封鎖東南沿海各口外，並須隔絕中國通蘇俄之路方可。惟海面封鎖易，陸路封鎖難，前者可以臨時措置，後者必預爲之謀。我國海防早經破壞，處處受制於人，不惟沿海各省，全在外人砲艦威力控制之下，而長江腹地亦復爲外艦游弋之場。而領空又同時爲外人空軍自由飛行。然在今日列強中，控制我海防最力者，厥爲日本。蓋我沿海一帶，幾全爲日領島嶼所包圍：北有朝鮮，控我黃渤二海；東有琉球，控我東海；南有台灣澎湖列島，制我南海；一旦戰事發生，日本海軍隨時可以封鎖我海上交通，斷

經各方接濟。至陸路蒙古與俄屬西伯利亞接壤，向爲歐亞交通之樞紐。在海蔭未開以前，我國與中亞及歐西貿易，皆取道於此故。由綏東平地泉，經張庫大道，可達西伯利亞鐵道之上烏丁斯克車站；由外蒙烏梁海，沿克魯木河，經沙濠通板隘口，可達西伯利亞之米努辛斯克城；由外蒙科布多，踰阿爾泰山，可達俄屬中亞細亞之塞米拍拉丁斯克城。

惟自外蒙獨立以來，沿邊設防，遍地置卡，以隔絕漢南各地之交通，國際孔道頓成畏途。年來日軍陷多倫、佔察北、德化以東，百靈廟以西，蒙蘇交通各要道，又處處被其封鎖；不惟張庫大道不能自由通行；卽由歸綏經武川至百靈廟，西行越寧夏、甘肅以達新疆之綏新汽車道，在百靈廟未克復以前，亦受其控制。故今日東北、外蒙及沿海交通，雖在敵人重重包圍之中，而西北新疆尙能爲對外交通之門戶，此爲日軍部所寢饋不忘者。蓋日軍部欲征服中國，必先完其對中國之大陸封鎖計劃，間嘗細繹其意，以爲中國之能支持至今，不在其本身之地廣人

衆，而在國際間之均勢關係。故中國如無國際支持，其軍備殊不堪日本之一擊。然環顧域中，將來能爲中國助者，厥爲英美與蘇俄；然英美之援助中國在海上，而蘇俄之援助中國在大陸，以日帝國海軍之現有力量，據西太平洋之優越地位，自足以應付英美之聯合勢力而有餘。惟中國之西北新疆與蘇俄毗連，將來中日戰起，有被迫與蘇俄攜手之可能，倘中蘇聯合成功，日本前途，殊多危險，故不惜萬元之代價，導演第三傀儡『蒙古偽國』，俾作日滿之外藩，絕中蘇之聯絡，此以四萬爲關東軍二年來努力之目標也。

### 蒙蘇大包圍計劃

藩變以還，日本國際宣傳，輒以遠東『防共』之先鋒自居。年來嗾使僞滿，挑釁蒙蘇邊境，日蘇關係，益趨險惡。關東軍更藉口遠東紅軍之威脅，極積佈置滿蒙邊境間防綫，東起海參崴，北沿烏蘇里江，折而西，沿黑龍江而達漠河，復折而南，沿額爾古納河直達該河與外蒙間之內興安嶺，以至察哈爾與外蒙邊境。

惟蘇俄遠東防區有二：一以赤塔爲中心，其主要目的在扼守西伯利亞，與掩護外蒙。赤塔前有外興安嶺之屏障，後有貝加爾湖之隘阻，形勢險要，日軍進攻，頗多困難。一以伯力爲中心，其目的在包圍興凱湖以北之吉林三角地帶，以威脅日滿軍之後方。伯力據烏蘇里江入黑龍江之口，而以伊孟、（在烏蘇里江與伊孟河交流處，隔江與吉林之虎林相對。）雙城子及鄂來木城，（在松花江與黑龍江交流處，隔江與吉林之同江相對。）爲其前方根據地，犄角鼎峙，首動尾應，若日軍深入，則三面受敵。故今日蘇俄之遠東軍備，非可輕於擊破，此日軍之所深知也。

此後日軍攻俄陣綫之重心，當不在東北邊境之伯方、海蘭泡及松花江一帶，而在中國之內蒙與西北。一旦有事，日參謀本部，將在西段陣綫上，劃張垣、多倫、索倫、呼倫、及歸綏、包頭，爲其前方根據地，於戰事發生時，以迅雷不及掩耳之手段，攫取庫倫，直搗貝加爾湖，將西伯利亞縱斷爲二，以隔絕蘇俄西東

綫之聯絡，使紅軍前後不能相顧。蘇俄知其如此，故於去年締結蘇蒙協定，與外蒙取得軍事聯絡，並在外蒙南境，察綏寧夏以北，積極配置防禦工程，如日軍進攻庫倫，則蘇蒙出察綏以襲其後，此文日軍之所深懼也。日軍爲鞏固征俄陣綫，應付未來戰爭，故年來一再策動蒙僞軍侵擾綏遠，企圖將陣綫由熱察北部，經綏遠、寧夏，展至甘肅、青海，對外蒙及新疆取大包圍之形勢。

然則日蘇殆將一戰爭？曰：是又不然！日本雖以進攻蘇聯相號召，實無對蘇作戰之決心。蓋蘇俄之富源，在歐洲與西伯利亞之西部，而不在西伯利亞之東部與外蒙。故日本之經濟目標，亦不在每參崴與庫倫，而在華北與西北。蓋大陸政策之目的在中國，而不在西伯利亞，然日本侵略中國，常懼蘇俄之躡其後，爲便利實現其目的起見，必須於中蘇全部疆域之間，樹立一日本管領之地帶以防禦俄蘇，免爲大陸政策之阻害，故包圍蒙蘇計劃，與其稱爲防俄，毋寧謂爲制華之要務也。



## 四 從經濟上檢討『大元帝國』之野心

### 維護日帝國之纖維國策

日本侵略中國之經濟背景，是由於天然資源之貧乏，無論國民生活，或國防基礎所必需之原料，均須仰給於海外，在國際風雲動盪之今日，時有輸入斷絕之虞，前已略言之矣。惟日本以輕工業立國，纖維工業素為其國民經濟所托命，故紡織物類在日本輸出工業中常佔第一位。近年來，毛紡織業亦突飛猛進。產量之豐，輸出之多，竟與先進英國相伯仲，將從來視為主要輸入品之毛織物類，轉為重要之輸出品，其增加率之急速，殊足驚人！猶憶一九三四年意大利工商業代表團在國際羊毛大會報告，曾謂：『日本原為歐洲毛織品輸入之國，數年以來，一變為毛織品輸出之國，使歐洲市場備承威脅。首當其衝者厥為英國，而德法及其他各國，出產毛織品者，自亦受其影響。』云云，觀乎此，則可知日本毛紡織業

在世界中之位置。

日本近年因毛紡織業之發達，羊毛之需求與年俱增，試從日澳貿易統計上考察每年澳洲羊毛輸入日本之數目，則知毛紡織業在日本生產部門中，近年發展之概況。

表一 日澳貿易比較（單位：千日圓）

年 別	由 澳 輸 日	由 日 輸 澳	日 本 入 超
一九二九	一三二、六〇〇	四四、〇七五	八八、五二五
一九三〇	九四、三〇八	二四、四八六	六九、八二二
一九三一	一一三、三三七	一八、四〇五	九四、九三二
一九三二	一三四、三七七	三六、八九七	九七、三八二
一九三三	二〇四、五八八	五一、四一六	一五三、一七〇
一九三四	一九七、七五七	六四、四六一	一三三、二九六
一九三五	二三五、一二八	七四、七九三	一六〇、三三五

表二 澳洲羊毛輸入表（單位：千日圓）

年 別	日羊毛進口總值	澳輸日羊毛值	澳洲羊毛對總值比率
一九二九	一〇一、八一六	九九、〇五九	百分之九七・三
一九三〇	七三、六〇九	七二、三三六	百分之九八・三
一九三一	八六、一四五	八三、二九五	百分之九六・三
一九三二	八七、五五九	八四、二四五	百分之九六・二
一九三三	一六四、一九〇	一五六、五一三	百分之九五・三
一九三四	一八六、三八一	一五九、二四一	百分之八五・四
一九三五	一九一、七六〇	一八二、〇〇七	百分之九四・九
七年總計	八九一、四六〇	八三六、六九六	百分之九三・九

從上列二表以觀，日本羊毛輸入，按年遞增，（一九三〇年除外）至一九三五年羊毛輸入總值，竟達一萬萬九千餘萬元，佔日本輸入品中第二位。且因國民生活之提高，毛織工業之發達，羊毛之需要，益繼長增高。現日本每年所需羊

毛，約十萬基羅，而其國內所產，不及六十基羅，因為土地與氣候關係，將來亦絕少希望。日本近年開發滿洲，雖極力於南滿鐵道沿綫推廣牧場，並移大批日韓農民，從事牧羊，惟收效甚微。

過去，日本羊毛原料，概由澳洲供給，自日澳通商擁護法實施後，羊毛輸入頓感困難，雖曾改向南美之阿根廷及烏拉圭購取，然品質既甚低劣，價格又復奇昂，頗為毛紡織業資本家所不欲。今後欲維護其纖維國策，確保毛織業之資源，不得不侵略內蒙，掠取羊毛出產地，以應毛紡織業資本家之需求。

### 觀饒蒙古羊毛寶庫

日本對華經濟上之企圖，固不一而足，然確保纖維工業之資源，畢竟為其國策之一。纖維工業之重要資源，除棉花外，當推羊毛。曠觀世界，牧地最廣，而牧羊最多者，首推澳洲，次則非洲與南美。吾國西北內蒙，面積占全國土地三分之一，廣漠無際，為一天然之畜牧場所。範圍之大，直與澳洲相伯仲；且地屬高

原，氣候乾燥，水草豐茂，牧羊事業，最易發達。故內蒙之熱、察、綏與西北之甘、寧、青六省，素以產羊聞名於世，其產量之豐與品質之佳，為他省所不及，茲將上列六省羊毛主要產地及散集地，略舉於下：

青海省

湟源、大通、永安、西寧、貴德、定都、拉卜楞

寧夏省

寧夏、磴口；靈武、中衛、威遠

甘肅省

蘭州、甘州、涼州、平涼、洮州、敦煌、泯州

綏遠省

五原、包頭、歸綏、陶林、烏化府

察哈爾

張北、宣化、涿鹿、多倫

熱河省

赤峰、朝陽、綏東、承德

至西北內蒙各省之羊毛產額，前以交通不便，無從調查，產量總額，多不明瞭，最近據實業部統計，全國毛產為五四〇、〇〇〇擔，其中以青海為最多，甘肅次之，察綏又次之，寧夏、熱河為最少。茲列表如左：

青海	一六六、〇〇〇擔
甘肅	八〇、〇〇〇擔
綏遠察哈爾	六四、〇〇〇擔
寧夏	三〇、〇〇〇擔
熱河	二七、〇〇〇擔

由上列數字觀之，西北蒙古所產羊毛，占全國百分之七十以上，而日本每年由國外輸入羊毛，又達日金二萬萬元左右，其覬覦之急迫，從此可知矣。去年六月，日本拓務省，曾派遣農林課事務官高橋，及殖產課事務官佐佐木，同赴內蒙及西北各省調查羊毛產量及品質。而日外務省文化事務部，亦曾計劃在張家口或包頭，設立羊毛試驗場。同時興中公司並計劃由滿蒙毛織會社增資三百萬元，擴充天津羊毛工場，並在華北各地徧設分場，以壟斷華北之羊毛。而日商鐘淵紡織社亦擬在張垣投資三十萬元，設立羊毛洗刷工廠，可知日本對西北內蒙羊毛之野心。

故綏遠戰事，在軍事上而言，固應謂爲領土侵略，在經濟上而言，卽謂爲羊毛原料之奪取，亦無不可也。